

[MVAG/MCPP]

Na sala de comisións “Concepción Arenal” do pazo Parlamento de Galicia reúnese a **Comisión 6ª, Industria, Enerxía, Comercio e Turismo**, o día **11 de outubro de 2024**, ás **10:30 horas**, logo da convocatoria remitida para o efecto.

Asisten as persoas que se relacionan a seguir:

**Mesa:**

Cristina Sanz Arias (P)  
(Presidenta)  
María Deza Martínez (P)  
(Vicepresidenta)  
Montserrat Valcárcel Armesto (BNG)  
(en substitución de Ramón Tomás Fernández Alfonzo)  
(secretaria -en funcións-)

**Vogais:**

**Grupo Parlamentario Popular de Galicia (P):**

María Encarnación Amigo Díaz  
Miguel Fidalgo Iglesias  
Rubén Lorenzo Gómez  
María Felisa Rodríguez Carrera  
Ángel Rodríguez Conde  
Borja Vereja Fraiz  
Miguel Ángel Viso Diéguez

**Grupo Parlamentario do Bloque Nacionalista Galego (BNG):**

José Manuel Golpe Acuña  
Carmela González Iglesias  
José Daniel Pérez López  
Brais Ruanova Vilas-Boas

**Grupo Parlamentario dos Socialistas de Galicia (S):**

Patricia Iglesias Rey  
Lara Méndez López

**Grupo Parlamentario Mixto (M):**

Don Armando Ojea Bouzo

**Comparecentes:**

Director xeral de Comercio e Consumo

**Letrada:**

María Vicenta Aneiros González

A presidenta abre a sesión e rógalle á secretaria -en funcións- que lle dea lectura á relación de membros titulares da Comisión para os efectos de comprobar a existencia de quórum de constitución, así como as pertinentes substitucións. Logo da constatación deste, éntrase no desenvolvemento da orde do día obxecto desta sesión.

Previamente, a presidenta dá conta da entrada no Rexistro do doc. núm. 12875, no que a Xunta de Galicia solicita o **aprazamento** da pregunta que figura como 1.1, doc. núm. 7607, para unha posterior sesión da Comisión; aprazamento que se acepta por asentimento (artigo 88 do Regulamento da Cámara):

- 1.1            7607 (12/POC-001237)  
Grupo Parlamentario dos Socialistas de Galicia  
Méndez López, Lara e Iglesias Rey, Patricia  
Sobre o acceso á información relativa ás liñas de axudas que a Axencia de Turismo de Galicia destina ás asociacións locais para promocionar as festas parroquiais, o prazo en que están activas, as contías e as características dos supostos convenios  
*Publicación da iniciativa, BOPG n.º 66, do 13.08.2024*

A seguir, éntrase no desenvolvemento do punto primeiro da orde do día e pásase ao debate da segunda iniciativa:

### **Punto 1. Preguntas**

- 1.2            **9710 (12/POC-001634)**  
**Grupo Parlamentario Popular de Galicia**  
**Rodríguez Carrera, María Felisa e 7 máis**  
**Sobre o impacto da última edición da feira de artesanía "Corazón da artesanía. Encontro de artesanía tradicional e popular de Galicia" e os vindeiros pasos do Goberno galego neste ámbito**  
*Publicación da iniciativa, BOPG n.º 78f1, do 06.09.2024*

A presidenta concédelle a palabra á señora Rodríguez Carrera (P), quen expón as razóns nas que se basean as cuestións concretas que figuran na súa iniciativa sobre o balance do Goberno galego da última edición da feira de artesanía “Corazón da artesanía”.

Para a súa resposta intervén por parte da Xunta de Galicia o director xeral de Comercio e Consumo (Consellería de Emprego, Comercio e Emigración), Gabriel Alén Castro.

Na rolda de réplica a señora Rodríguez Carrera (P) agradece a información recibida, que comenta brevemente con novas consideracións ao respecto, ás que lle contesta nunha nova intervención o director xeral de Comercio e Consumo (Consellería de Emprego, Comercio e Emigración), Gabriel Alén Castro, e con cuxa intervención se pecha o debate da iniciativa.

A presidenta agradécelle ao señor Alén Castro, a súa presenza e colaboración cos traballos da Comisión e descúlpao de seguir na sesión ata unha vindeira ocasión, da que se ausenta.

A continuación, éntrase no desenvolvemento do punto segundo da orde do día e pásase ao debate da primeira iniciativa:

**Punto 2.    Proposicións non de lei**

**2.1           3948 (12/PNC-000492)**

**Grupo Parlamentario do Bloque Nacionalista Galego**

**Pérez López, José Daniel e Fernández Alfonso, Ramón Tomás**

**Sobre a demanda á Xunta de Galicia da creación e activación do Observatorio Turístico de Galicia para que, xunto con outras entidades, proporcione o coñecemento base para definir o modelo turístico**

*Publicación da iniciativa, BOPG n.º 28f1, do 22.05.2024*

A presidenta, previamente, comunica que a esta proposición non de lei se presentou unha emenda de substitución polo G.P. Popular de Galicia, doc. 1332, e deseguido, concédelle a palabra ao señor Pérez López (BNG), quen procede á formulación e defensa desta iniciativa de impulso con ampliación das argumentacións que dela se fan por escrito e que aparecen publicadas no BOPG que anteriormente se refire.

Na rolda do grupo parlamentario emendante intervén o señor Vereza Fraiz (P), quen, logo de expoñer as súas argumentacións a respecto da proposta formulada, motiva a emenda de substitución que presenta o seu grupo ao texto resolutivo da proposta.

Na rolda dos grupos parlamentarios non emendantes, o señor Ojea Bouzo (M) declina a súa intervención e fai uso da palabra a señora Méndez López (S), quen expón as súas argumentacións ao respecto co pronunciamento favorable do seu grupo á proposta formulada.

Na rolda de puntualizacións o señor Pérez López (BNG), logo de comentar as argumentacións das anteriores intervencións, motiva que non acepta a emenda do G.P. Popular de Galicia.

Deseguido, pásase ao debate da segunda iniciativa:

**2.2           10906 (12/PNC-001025)**

**Grupo Parlamentario dos Socialistas de Galicia**

**Iglesias Rey, Patricia e Méndez López, Lara**

**Sobre a demanda dirixida á Xunta de Galicia co obxectivo de que elabore un censo mineiro e leve a cabo unha planificación deste sector en Galicia**

*Publicación da iniciativa, BOPG n.º 88f1, do 20.09.2024*

A presidenta, logo de comunicar que a esta proposición non de lei se presentou unha emenda de substitución polo G.P. Popular de Galicia, doc. 13092, concédelle a palabra á señora Iglesias Rey (S), quen procede á formulación e defensa desta iniciativa de impulso que insta o Goberno galego sobre a elaboración dun censo mineiro ou plan de minería de Galicia.

Na rolda do grupo parlamentario emendante o señor Lorenzo Gómez (P), expón as súas argumentacións a respecto da proposta formulada e defende a emenda de substitución do seu grupo co pronunciamento favorable da proposta, se é o caso, si se acepta á súa emenda de substitución.

Na rolda dos grupos parlamentarios non emendantes, o señor Ojea Bouzo (M) declina a súa intervención e fai uso da palabra o señor Golpe Acuña (BNG), quen expón diversas consideracións a respecto das manifestacións dos anteriores intervenientes co pronunciamento favorable do seu grupo ao texto resolutivo da proposta formulada.

Na rolda de puntualizacións a señora Iglesias Rey (S) expón diferentes consideracións a respecto das anteriores intervencións e motiva que non van aceptar a emenda do grupo maioritario.

Seguidamente, pásase ao debate da terceira iniciativa:

### 2.3

**11528 (12/PNC-001094)**

**Grupo Parlamentario do Bloque Nacionalista Galego**

**Golpe Acuña, José Manuel e 2 máis**

**Sobre as accións que debe impulsar o Goberno galego co obxectivo de mellorar a obtención de beneficios para os concellos e a sociedade derivados da enerxía eólica**

*Publicación da iniciativa, BOPG n.º 91f2, do 25.09.2024*

A presidenta, logo de comunicar que a esta proposición non de lei se presentou unha emenda de adición polo G.P. dos Socialistas de Galicia, doc. 13085, concédelle a palabra ao señor Golpe Acuña (BNG), quen procede á formulación e defensa desta iniciativa que insta o Goberno galego sobre as accións a levar a cabo para mellorar a obtención de beneficios para os concellos e a sociedade derivados da enerxía eólica (No decurso da súa intervención a deputada, Lara Méndez López (S), auséntase da sesión).

Na rolda do grupo parlamentario emendante intervén a señora Iglesias Rey (S), quen motiva a emenda de adición do seu grupo, á vez que se posiciona a prol da proposta formulada.

Na rolda dos grupos parlamentarios non emendantes, o señor Ojea Bouzo (M) declina a súa intervención e intervén o señor Lorenzo Gómez (P), quen expón diferentes

consideracións a respecto das argumentacións das anteriores intervencións e anuncia o rexeitamento do seu grupo á proposta formulada.

Na rolda de puntualizacións o señor Golpe Acuña (BNG), quen, logo de rebater moitos dos argumentos expostos polo voceiro do grupo maioritario, expón as razóns polas que non acepta a emenda do G.P. dos Socialistas de Galicia.

Ao esgotarse o debate, a presidenta procede á votación das proposicións non de lei, pola orde na que figuran na convocatoria e que se relaciona a seguir:

1) Iniciativa **doc. núm. 3948 (12/PNC-000492), do G.P. do Bloque Nacionalista Galego**; sométese a votación o texto resolutivo orixinal, que resulta **rexeitado** por:

. votos a favor.....	7(GGPP: BNG+S+M)
. votos en contra.....	9(G.P.:P)
. abstencións.....	0

2) Iniciativa, **doc. núm. 10906 (12/PNC-001025), do G.P. dos Socialistas de Galicia**; sométese a votación o texto resolutivo orixinal, que resulta **rexeitado** por:

. votos a favor.....	7(GGPP: BNG+S+M)
. votos en contra.....	9(G.P.:P)
. abstencións.....	0

3) Iniciativa, **doc. núm. 11528 (12/PNC-001094), do G.P. do Bloque Nacionalista Galego**; sométese a votación o texto resolutivo orixinal, que resulta **rexeitado** por:

. votos a favor.....	5(G.P.: BNG)
. votos en contra.....	9(G.P.:P)
. abstencións.....	2(GGPP: S+M)

Sen máis asuntos que tratar, a presidenta agrádecelles a todos os presentes o seu traballo na Comisión e levanta a sesión.

Remata a sesión ás 12:30 horas.

V. e pr.

Montserrat Valcárcel Armesto  
Secretaria -en funcións-da Comisión

Cristina Sanz Arias  
Presidenta da Comisión